

Bosna i Hercegovina
Federacija Bosne i Hercegovine
Kanton Središnja Bosna-Srednjobosanski Kanton
KANTONALNO TUŽILAŠTVO/ TUŽITELJSTVO TRAVNIK
Broj: T06 0 KT 0036123 24
Datum, 05.12.2024. godine,

OPĆINSKI SUD TRAVNIK

Na temelju odredbe člana 45 stav 2 tačka i, člana 241 stav 1 Zakona o kaznenom postupku Federacije Bosne i Hercegovine, p o d i ž e m

OPTUŽNICU

Potvrđena dana 09.12.2024.godine

Protiv:

J. L.

ZBOG POSTOJANJA OSNOVANE SUMNJE DA JE:

Dana 07.10.2024. godine u mjestu ..., općina Vitez, ispred svoje porodične kuće u stanju potpune neuračunljivosti kao posljedica duševne bolesti „ Shizofrenija“, fizički napao policijske službenike PS Vitez A. H. i L. N. dok su obavljali službene radnje po ranijoj prijavi koja je podnesena protiv L. J. od strane F.D. zbog upućenih ozbiljnih prijetnji, na način da je vrijeđao policijske službenike i verbalno prijetio a potom rukom uzeo metalnu šipku dužine oko 1 m koja je stajala pored ulaznih vrata i krenuo prema policijskim službenicima u namjeri da iste napadne te zamahuje sa metalnom šipkom u pravcu policijskih službenika u namjeri da ih povrijedi, kojom prilikom je policijski službenik A. H. objema rukama uhvatio za šipku koju je osumnjičeni držao u rukama u namjeri da je otrgne iz njegovih ruku dok je policijski službenik L. N. ga uhvatio za desnu ruku i na taj način su savladali otpor, da bi tada isti pustio šipku i nastavio i dalje rukama gurati policijske službenike kada su ga isti uspjeli oboriti na zemlju kada je J. L. dok je ležao na zemlji licem okrenutom prema dole i dok su ga policijski službenici pokušali okrenuti na leđa izvukao nož držeći isti u ruci i sa nožem zamahnuo prema policijskim službenicima sa namjerom da iste povrijedi kojom prilikom je policijski službenik H. A. lijevom rukom uhvatio za sjecište noža a desnom za zglob šake a istog dok je policijski službenik N. L. pokušavao istom izbiti nož iz ruke u čemu nije uspio te je i dalje pružao otpor nogom udario N. u predjelu lijeve potkoljenice nakon čega su vršeci pritisak na zaglavak ruke uspjeli izbiti nož iz njegovih ruku i na taj način savladali otpor osumnjičenog stavljajući mu lisice na ruke, dok se isti i dalje otimao i zamahivao nogama u predjelu policijskih službenika, a prilikom privođenja i dovođenja u policijsku stanicu cijelo vrijeme upućivao prijetnje „pobit ću vas

sve, zaklat ću vas“, kojom prilikom je oštećeni policijski službenik H. A. zadobio lahke tjelesne povrede u vidu ubodne rane u predjelu proksionalne falange drugog prsta lijeve šake.

Dakle, u neuračunljivom stanju, napao službene osobe u vršenju poslova javne sigurnosti.

Čime da je počinio protupravno djelo, koje po svom sadržaju predstavlja kazneno djelo Napad na službenu osobu u vršenju poslova sigurnosti iz čl. 359 st.2 u vezi st. 1 KZ F BiH.

Napomena: Potvrđivanje optužnice protiv određene osobe ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.